



08423



予之謾補歌也驚湖李芥軒



為紹介芥軒寓吳門補歌時
歛商權風雅芥軒不重人爵
傲晚一切中有所得信筆出
之補歌年少自喜謂功名可
戾契致盛氣豪情勃々紙上
序一

兩人志趣不同而詩篇往還不
絕合以風格也未幾芥軒返鷺
湖補歌歌學無友常詣予
鯨溪老屋袖所作相示經月
不見則詩已成帙予甚畏之
既予卜居瀆川補歌時為尊

人聲谷先生營生壙於香山
扁舟注子過香水涇輒叩
予門譚藝後予之鹿城之魚
口之錢唐拉留滯日下予占補
瓢踪詒漸疎矣歲庚申予給
假回里補瓢函同人觴譔舞綵

序二

堂舉先世所貽斲好及奇木
之奇者拈題分賦稱尊人八十
壽觴予得黃山松成五言古
一章維時一堂四世春溫盎然
三公之貴無以易也予季七
十補瓢作五言古四章寄予

予賦訪報之歸田以來方冀
以其餘年共之重究四始六
義之旨未幾而補穀病且
歿矣計其年乍逾六十也諱
者謂補穀具經濟才宜有
所施設乃優於家遮而詘於

序三

朝廟見之辭章而未措於
民物益為補穀惜不知采
瀕傷雨雪之繁四牡深靡
監之憲祁父嘆其尸饗北
山嗟其盡瘁憂愁哀怨後
世誦之矜為悽然何若南

陔白華孝子得遂其養由
康崇邱萬物各適其性其
憂其樂不可數計也補竅
之詩多首陔白華由庚崇
邱之什而無采薇四牡祁
父北山之音孰得孰失空待

序四

智者始能辨之耶哲嗣祿
生昆弟刻之遺稿問序
於予迴憶初訂交時補竅
孱弱冠乃忽焉而壯忽焉
而老芥軒墓木久拱補竅
亦旋怨宿草望九老人獨

握管濡墨序其書端友朋
離合之感身世盛衰之故不
禁腕下交集如行訪餘一卷
吾南宋人風味古文一卷出
入八家門戶附於詩後見補
瓢之才蓋有衆人之長云
序五

乾隆丁丑蜡月鯉愚沈德潛
題於葑水之清曠樓



歲在丁酉余於秦淮試寓初識韓子
補瓢居無何其從兄荆門延余課其
從子與補瓢朝夕過從不少間為文
章根柢經傳別真偽辨異同和平中
正為有德之言要其生平學力尤邃
於詩時或安貼排界或恬吟密詠無
不各臻其矇不蹈前人窠臼而自不
背于古人蓋其天機清妙而又蘊釀

顧序

一

深厚故能力追正始非妄作也近世
談詩者溯源三百遠規漢魏近綜三
唐及觀其所製僅得糟粕塗飾一時
豈若補瓢之得其法而並得其神理
可以歷久常新哉補瓢家故素封喜
與寒儉交余誼輒終日論衡無倦自
余移家南城每歲必彙所作一就正
得共評騭以是益知補瓢之學力深

而暇補歌製作之精純者更詳且切也案耄矣擯棄當世補歌年逾花甲亦淡於仕進方謂晚景相娛藥闌乘興花筵引杯徜徉物外樂未有已何遽先我而逝乃使余塊然孤立可慨而已賢嗣裕生東生能世其家學裒集詩文付剞劂氏屬余弁首余謹謄芳然論交契則余久而且厚知補歌之

顧序

二

學者之惟余為最安可默而息乎用紀其實以告世之讀是集者

乾隆二十三年歲次戊寅中秋同學
愚弟蘭皋顧文炯書



韓貢士補瓢君傳

自予為諸生與補瓢韓君同受知於學使林象湖先生君年少長風儀俊偉議論持侃侃其孺染庭訓久故能潔身植品慎交遊而內行醇備終始無間云事母呂太君孝謹母病躬侍湯藥閱兩月不懈沒而哀毀幾滅性築室墓居者三年時父聲谷先生勤慈治家以明經訓子年六旬矣膝下惟一子溫清定省之節脂膏滄瀨之

傳

一

供備物養志竭愛日之誠焉從姪暢幼孤靡依君撫之曰是同吾子也以養以教俾至於成立君生有異稟捷記誦博覽載籍尤嗜史漢書工吟咏偕北郭詩人聯社唱和習晉唐楷法學殖益進聞望挺然出儕輩皆以科名可戾契致乃屢躡省闈循例貢成均淡於仕進不屑為捧檄計嘗謂人曰我所以囊卷橐筆蹀躞而赴制科者以父志未遂冀邀一第以祿歡也今已風木

銜感尚何忍逐逐於名場哉聲谷先生年八十而終生前自營壽藏於香山之麓君啓壙而為之銘曰生子不類兮孰顯吾親天錫眉壽兮令德維新嗚呼可以覘其志矣人第見雲東韓氏世有顯人胚胎前光不難驚耀閭里而君獨矩範自繩處豐而約子弟皆恪守彛訓門以內雍然肅然若夫濟急扶危力行調恤嫻族有匄貸者施予無吝色其貧不能喪葬者竭資相助

傳

二

常舉詩人凡民有喪匍匐救之以為言其樂善不倦又如此所著有補瓢存稿詩四卷詩餘一卷古文一卷沈歸愚宗伯手定云考其家世洪武初始祖諱思聰自鳳陽遷吳六傳至少宗伯諱世能以科第起家曾祖諱治萬歷丙午舉人為黃巖令以孫文懿公貴贈禮部尚書祖諱馨明諸生敷尚氣節翰墨流傳於世父諱樵太學生鄉飲賓號聲谷先生兄弟凡六人生子一即

補瓢也諱騏字其武年六十一而卒配王孺人
繼配顧孺人先卒繼配陳孺人生子二曰鍵歲
貢生曰是升邑庠生皆能讀父書者先是丙寅
歲予丁先府君艱君亦在疚為考營葬事麻衣
來唁問後十年予得陳情歸養而已不及見君
與道平生歡追念舊時同學歷落如晨星應致
歎於所遇無故物焉得不速老也然登其堂而
衣冠儼在音塵不泯庶幾後嗣能亢其宗亦足

傳

三

慰君於九原也夫

舊史氏曰傳稱獨行儒術貴焉吾鄉韓氏自文
懿公以文章為天下仰望其宗族多嫻文學不
藉簪紳以取重也補瓢為文懿公從姪能折節
讀書以翰墨自娛嘗却徵聘優游塵埃之外其
詩歌古文詞皆醞藉醇雅多可傳者士貴自樹
立詎以窮達論哉

乾隆二十一年歲次丙子秋七月

賜進士及第

誥授光祿大夫兵部左侍郎加二級前吏刑兩
部右侍郎年家眷同學愚弟彭啓豐拜撰



傳

四



補瓢存稿摠目

卷一

古今體詩九十八首

卷二

古今體詩七十三首

卷三

古今體詩八十首

卷四

補瓢存稿

摠目


古今體詩九十一首

卷五

詩餘三十九首

卷六

古文二十八首



一
南陰書屋

補瓢存稿卷一目録

古今體詩

杜門 三首

七夕傷悼

為李芥軒題嬾仙十圖 選策杖

喜鷺湖李芥軒至

讀芥軒詩草寄懷一律

御上人至約山中看梅

補瓢存稿 卷一目録

南陰書屋

對月有懷

湖上 二首

春草

即事

先秋

秋夜聞雨有懷

秋懷

江上曉發

送蕉亭之金陵

忠孝歌為蔡玉門賦

將之金陵留別蕉亭

東園寄居晚興

送佐玉再遊湘中

詠雪 二首

送子敬之湖上

遲子敬

補瓢存稿

卷一目錄

留宿王家塢

包山

遊龍渚

維舟石公山下

涼夜

草堂閒述

將之瀆上

石鼓山房即事

新秋夜納涼聞笛

秋夜懷友

夜雨感懷

枕上作

暮春即事

次韻吳展亭入山見訪之作

山齋坐雨

悼顧碩人

四首

補瓢存稿

卷一目錄

三

南蔭書屋

過拈花寺

遊積翠

書王露滑崇禎宮詞後

二首

雪後放舟出山

冬夜有懷

二首

烏鎮晚泊

雨中西湖小泛

登六和塔望羅刹江

湖樓雜書 六首

登城隍山

題女貞院壁 并序

金鼓洞

春盡遲蕉亭

題傅生馳獵圖

題畫陳搏

庚戌除夕題北山小照

補瓢存稿

卷一 目錄

四

南蔭書屋

臘月廿四日夜宿香山丙舍 二首

為佐商姪題畫

舟過席山橋泊費家湖

晚遊玄墓聖恩寺乘微月下山宿舟中

清聞閣悼御天長老 二首

自驚魚澗泛舟至潭西

踰珠華嶺至青芝塢信步口占得三章

清明日雨

賦得累石為山

賦得分土成渠

燕 二首

螢

長壽長老重復東菴次韻寄贈

早起感懷

蕉亭又得一孫

謁文信國公祠 二首

補瓢存稿

卷一目錄

五

南蔭書屋

姑蘇竹枝詞次訥生韻 八首

補瓢存稿卷一



長洲沈歸愚先生鑒定

雲東韓 騏其武氏著

男 鍵裕生 校字

姪 學田硯芸 編次

杜門

滿林枯葉半池萍煙雨空江畫掩扃綠蟻醉殘

踈菊紫白鷗飛破亂山青伊人宛在何須哭吾

補瓢存稿 卷一 一 南蔭書屋

道非耶忍獨醒記取南軒舊時約淒風腸斷碧

雲屏 張子黼臣向有天平看
楓之約今張已物故

莫道浮生類轉萍一方風月寄巖扃秋深樹失

峯頭翠霜滿柑餘屋角青感舊詩中多是淚別

離筵上不堪醒愁來莫廢荒荒日取次流年記

石屏

天末征鴻水上萍不關心處廢開扃脚因踏葉

何嫌赤眼為看山忽放青寒月三更侵夢斷晨

鐘一杵喚愁醒楚雲吳樹空惆悵忍覩瀟湘七

尺屏

時王定方佐
玉俱客湘中

七夕傷悼

雲橫碧漢涼月高
清露重為念此何夕
轉覺增悲痛一棹渡橫塘
已是前年夢

為李芥軒題嬾仙十圖

選一

策杖

木落山氣靜鳥歸林影蒼
瘦筇茆屋外獨立看
補瓢存稿

卷一

二

南蔭書屋

斜陽

喜鷺湖李芥軒至

空園初落葉古木又寒鴉
何事經年別相看兩
鬢華詩懷終未老世故
莫長嗟煙雨鷺湖釣多
君約泛棹

讀芥軒詩草寄懷一律

惠我詩成帙秋風動細吟
江湖收老淚花月寄
愁心虛館寒霜雁孤城
薄暮砧知君罷搔首醉

倒白雲岑

御上人至約山中看梅

山僧叩門至報道梅花開盡日風雨裏不知春
信來我將移釣艇公自掃琴臺今夜湖邊閣先
須夢幾回

對月有懷

醉起待明月月高人跡稀徘徊空庭下霜色侵
人衣好夢那可復得句和者誰不知遠遊子曾
補瓢存稿

卷一

三

南陰書屋

湖上

湖上山林晚更宜波光遙浸碧峯低一雙白鳥
偏多事飛逐斜陽過水西

湖波搖漾塔瓊瓏斷續微雲散碧空隔崦人家
香萬樹夜來休起落梅風

春草

覆地連天綠漸稠
隋隄煙雨接迷樓
寒添眉葉三分恨
暖趁羣腰一段愁
花落平原調玉勒
日斜深院賭金鈎
王孫踏遍青青路
珍重明妃土一邱

卽事

涼雨滿四郊
陰雲暗城闕
愛茲園廬曠
助我孤興發
酌酒池上亭
迴風散萍末
泉響晚逾清
蟬聲坐來歇
醉卧復何爲
松間待明月

補歌存稿

卷一

四

南蔭書屋

先秋

先秋景物蕭疎候
半日陰晴指顧間
萬木受風涼
晚閣片雲將雨濕
前山白鷗飛下孤舟靜
黃犢畊餘落照間
常把高懷證千古
韜川圖畫屬柴關

秋夜聞雨有懷

月暗方垂幕
更深尚倚樓
驟聞山郭雨
因憶洞庭秋
天遠離人夢
江寒獨夜舟
何堪對蕭瑟
不

盡幾年愁

秋懷

落帽羞誇尚黑頭十年風雅寄牢愁水雲鄉老
平生夢蘆荻聲殘昨夜秋繞舍菊寒邀月徑隔
江楓對看山樓淒涼賦筆天涯思遠趁西風到
客舟

江上曉發

短篷徐發路猶迷草樹荒涼絕鼓聲有力江風
補歌存稿

卷一

五

南蔭書屋

初轉北無光山月未沉西驚田野燒孤村犬啼
破寒煙隔浦雞爭似故山茆屋下日華林影曉
牕低

送蕉亭之金陵

白門春已盡之子興何遙別酒傾殘曲孤帆趁
早潮江山控吳楚雲樹鎖金焦好紀秦淮勝煙
花半六朝

忠孝歌為蔡玉門賦

人生智勇安足恃忠孝千年屬臣子茫茫日月
耿常留莫笑英雄等閒死潯波險惡藤峽高賊
兵負固深結巢誰其至此厲名節蔡侯本是吳
門豪一時奮臂勒行伍截破江山震鞞鼓寒雲
不動天爲愁三十六戰稱神武狂飈忽折大將
旗瞋眸奮髮神鬼疑無頭亦好志不屈男兒死
爾終何悲復有壯子更驍健帶甲枕戈鋼百鍊
咽淚陳師報父讎長驅席穴奔雷電三軍吐氣
補瓢存稿

卷一

六

南蔭書屋

奏捷還匍匐一身荒草間黃沙千里沒金鏃白

骨萬堆尋玉環

其子於白骨中得父生前所佩玉環因滴血收屍以歸

瀝

血收屍上龍闕蔡侯有子名不滅君不見古來

征戰幾人回土花碧盡英雄血

將之金陵留別蕉亭

君本金陵乍歸客我遊却念君窈窕兩三月別
等閒度五六百里原非遙瘦驢曉踏楊子岸清
夢晚隨瓜步潮來日高歌半秋思秦淮月白風

蕭條

東園寄居晚興

高館憑虛野望賒
晚天空碧淨無霞
扁舟夢冷清溪月
長笛歌殘玉樹花
數杵遠鐘山繞郭
一聲鷺雁草平沙
開尊索向秋風笑
寥落平生著處家

送佐玉再遊湘中

久別欣相見
初逢即送遊
草荒吳苑夕
波冷洞庭秋
補瓢存稿

卷一

七

南陰書屋

庭秋落葉慈親淚
孤鴻浪子愁故鄉
翻作客竟上木蘭舟

詠雪

細飄斜隨逐風狂
半帶重雲蔭草堂
城市忽開清淨界
人家多在白雲鄉
遠隨野鶴飛無色
寒共梅花落有香
日暮畫樓歌興盡
窮簷誰信亦輝光

一片凝寒絕點瑕
北風原上淨塵沙
銀河曉落

千山影玉樹朝開萬里花
鐘斷遠林封塔院煙生別浦漏漁家
幽栖自是無人境門巷何妨十日遮

送子敬之湖上

越城西去路十里盡湖山野逕松千樹人家水一灣
白雲藏釣艇清磬落禪關搖曳橫塘柳看君獨去閒

遲子敬

補瓢存稿

卷一

八

南蔭書屋

自送輕帆渡石湖一窓風雨夜吟孤開尊欲醉還相待春草閒房入夢無

留宿王家塢

解道今宵樂何妨數日留樹迷山外寺雲起竹間樓
花落暮潭靜月明春澗幽一杯聊自遣清興狎沙鷗

包山

包山山寺絕竒僻殿閣巍峩隱松柏沿山無處

覓山門鐘磬不聞尋鹿跡短衣衲子壽者相迎
笑忽訝衣冠客相見薄作世外語採薪汲水心
孔迫我偕同遊信登眺清曠獨覺俯仰適寒峯
一帶排遠青古木千尋插空碧野雀低飛繞松
澗飢飈驚竄落巖石始知人世有靜觀佳景不
到同虛擲洞庭名勝世莫識而此與俗尤殊隔
到來不覺生隱心欲掃雲林布牀席探幽自快
得竒境遜世豈曰非良策浮生戀此物外遊一
補瓢存稿

卷一

九

南蔭書屋

林煙霞淡將夕

遊龍渚

平湖浪靜旭日東片帆直去乘長風舊遊夢隔
五六載閱歷勝景何妨重孤舟早泊未停午轉
眼訝入龜鼉宮是時春水亦未發山根盡露昔
日同雲埋浪打鬪竒偉顛倒造物驚愚蒙截破
奔流走雷電劈開巨石藏蛟龍豁訝嵌空條萬
狀浮梁疊壑殊難窮人間亦得睹奧僻開鑿不

但神鬼工陟險無復愛身命心膽已落洪濤中
登高曠望縱遊目上下千點青芙蓉劃然長嘯
震天末萬里席卷蒼雲空迴波衝激撼山脚頽
洞恍若聞石鐘留連自覺天地巧攀躋已躡仙
人踪大千世界等一粟孰與人世爭雌雄同遊
盡說乍來此不識詭異誰能通嗚呼不識詭異
誰能通

維舟石公山下

補瓢存稿

卷一

十

南蔭書屋

石公林壑由來勝薄晚停舟向水隈風落半山
雲障卷天通一線石門開聽殘疎磬留僧舍踏
破晴嵐上嘯臺老喜舊遊能再續等閒魚鳥不
驚猜

涼夜

日落山氣暝曠然風景幽星河淡無色華月照
林邱驚鳥隔煙語亂螢依砌流披襟一觴詠蕭
散倚南樓

草堂閒述

盛夏炎威那復侵草堂松竹有餘陰好山入畫
時還看僻句無題且自吟碧澗草深流水咽綠
荷風靜晚香沉偶緣微疾耽高卧便與羲皇愜
素心

將之瀆上

夏月煩暑清涼雲散城堞喬木已秋風曉窓時
隨葉幽人病方愈積想在登陟况復時轉佳林
補瓢存稿

卷一

十一

南蔭書屋

泉賞弥愜境絕慮乃忘遊深情更決吾將窮獨
往乘輿理煙楫綠樹晚停舟青山朝步屨曠望
卅里途猿鳥遙相接

石鼓山房即事

山房憶別春將老今日相過夏已殘落澗水聲
風裏聽過溪山色雨餘看蓮搖白羽香生座瓜
泛紅雲冷浸盤多謝新涼結清賞扁舟容我到
湖干

新秋夜納涼聞笛

皓月孤方定，疎雲淡不流。誰家數聲笛，吹破一天秋。露濕玄蟬靜，風淒碧樹愁。夜涼聞更好，清夢繞滄洲。

秋夜懷友

微雨忽收疎樹林，高齋日暮閒愁侵。美人倏又數旬別，孤踪遠托荒山岑。候蟲四壁怨衰草，清露一天寒素琴。可堪獨醉不成夢，纖月欲落空補瓢存稿。

卷一

十一

南蔭書屋

秋陰

夜雨感懷

舊愁兼夜雨，斷續向秋空。江遠傷孤客，天寒泣斷鴻。打窓輕帶葉，敲竹細隨風。不盡瀟瀟意，燈花已褪紅。

枕上作

交冬兩月陰，雨惡濕霧障。天寒氣薄，茅堂一夜吼北風。隨瓦掀窓雪，將作布被如鐵。驚醉眠，僵。

卧豈惜寒無擅縣官急索田家賦十里荒村久
斷煙

暮春即事

落盡紅英綠滿郊晚煙和雨暝林梢一春花事
晴無幾三月風光夏漸交酒熟但呼鶯作友齋
空直與燕同巢愁來未必詩能破吟到忘機亦
解嘲

次韻吳展亭入山見訪之作

補瓢存稿

卷一

十三

南蔭書屋

白版雙扉面水開野梅如雪倚雲栽一竿釣月
我長往十里尋春君獨來山翠暗侵遊客袂泉
香濃浥看花杯如何便說吾廬好三徑風光半
草萊

山齋坐雨

望中煙樹遠依微窈窕荒齋坐息機孤鳥晚依
新漲立亂雲寒逐片帆飛摘殘梅子黃初落種
就秧苗綠又肥擬借漁舟泛湖曲半竿風雨濕

蓑衣

悼顧碩人

空裏飛花夢裏雲無端又作死生分須知別鶴
難求侶自分哀鴻慣失羣長夜星霜從故鬼滿
山風雨哭新墳悲來莫擊莊生缶一曲淒涼忍
再聞

不堪緣盡事還留朝露何能共白頭窮況自應
愁過日苦心只為病經秋三年夢斷香埋土昨
補瓢存稿

卷一

十四

南蔭書屋

夜魂歸月滿樓地下有情翻一笑生兒惟伴夜
臺遊

繡粉裁香得幾時剪痕狼藉淚痕滋空勞閩海
重遊夢

君少侍令祖閩公先生宦閩

浪結吳門偕隱思揮淚

不堪兼舊恨悼亡從又揀新詩十年兩度傷懷

抱莫怪安仁髻已絲

子年十七娶太原二十一歲斷絃二十二歲續娶武

陵二十六歲絃再斷兩度歌哭僅十年事耳

年來心跡轉沈迷百結愁腸肯自齊細雨殘燈

孤枕夢落花新恨小樓題亦知死後情俱盡無
那生前事又提窈窕香山苦吟夜怨魂只在水
東西

過拈花寺

不到拈花寺今年第五年野花迷舊徑石壁走
新泉樹色濃朝雨山光碧晚煙齋堂清似水曾
記夜談禪

遊積翠

補瓢存稿

卷一

十五

南蔭書屋

寺入山重複門臨路曲盤引泉僧洗鉢燒筍客
留餐鳥觸松花落雲添竹色寒無邊清絕境猶
是昔年看

書王露涪崇禎宮詞後

任是傳聞也斷腸人心天意揔茫茫捐軀不是
輕宗社失國何曾損帝王自昔干戈緣粉黛即
今巾幗具綱常杜鵑血盡山河變紅閣春風送
海棠

天驚石破恨難銷百首新詞補大招賢后却當
離亂日寵姬猶死聖明朝霜刀斫臂金枝折寶
玦蒙塵玉葉凋淒愴不禁人再讀孤燈風雨泣
寒宵

雪後放舟出山

季冬十日寒陰霾茅簷風勁雪不開爾時雪霽
凍亦解扁舟將我歸去來嗟予生苦厭塵市閱
歷人境多傷懷半生悲哭雙淚盡十年舉動百

補瓢存稿

卷一

六

南蔭書屋

事乖今春聊營五畝宅耕鑿暫寄湖山隈行將
投老向邱壑無復奮志從風雷閉門無山更壘
石關徑去草多植梅况當積雪滿林谷軒閣何
處非瓊瑰奈何舍茲入城郭去住不由身可哀
須知景好別復戀亦苦事至情難排水深山折
湯搖櫓溪鳥與客相低回林塘風靜竹歌劍漁
浦日照泉潑洄我今何為轉潦倒夫亦愛此無
氛埃要知是別本不久身或拘困心則孩交春

定欲理煙楫山水之癖仍能諧回頭謝我猿鶴
侶只須相候無相猜

冬夜有懷

月寒風緊雁聲過長夜懷君淚轉多壯志幾年
仍寂寞浪遊何日慰蹉跎籠鞭踏雪朝臨塞側
帽敲冰晚渡河辛苦一身愁萬里秦中况復有
干戈

慷慨因人作遠遊直將豪興破離憂愁心易入

補瓢存稿

卷一

七

南陰書屋

江南夢別淚頻添渭北流風落悲笳秦苑晚霜
驚宿鳥漢陵秋知君古意兼鄉思珍重年來易
白頭

烏鎮晚泊

風勢旋低碧浪閑踈雲漏日照漁灣千艘自逐
往來客一水平分吳越山耕讀人家煙樹裏蠶
桑事業水雲間狂遊自與春風約客夢鄉心兩
不關

雨中西湖小泛

微雨空濛碧草齊，煙巒如畫水平隄。
香生柳葉風初透，春入桃花棹已迷。
沙鳥避人衝浪遠，晚雲和樹暎樓低。
年年夢泛西湖曲，只在孤山小閣西。

登六和塔望羅刹江

萬頃微茫一塔孤，登臨直欲盡虛無。
境從丹碧通霄漢，人共煙嵐入畫圖。
東去江聲連百粵，南來山勢接勾吳。
伯圖王業空惆悵，角鼓風高日已晡。

補瓢存稿

卷一

六

南蔭書屋

湖樓雜書

據湖高閣六橋東，盡日憑闌瞰遠空。
暮雨欲歸千嶂裏，春陰猶暎萬花叢。
樽中潏泛波心月，陌上香迴扇底風。
好景從來屬閒客，莫將憔悴問天公。

非煙非霧揔氤氲，宜雨宜晴兩不分。
翠袖舞低

湖岸柳玉簫聲過市樓雲蒼寒松竹高人宅歷
亂鶯花小妓墳無着閒情更懷古一番春思又

斜曛

旭日城樓散彩霞風光直與興俱賒經旬作客
但携酒百歲好懷惟看花芳草長堤春試馬綺
羅深巷夜留車不知何限天工巧贏得人間鬪
麗華

春衫銷得幾朝昏染盡花香又酒痕倚棹客吟
補歌存稿

卷一

九

南陰書屋

蘇白句看山人弔岳于魂尋芳慣折沿隄柳帶
雨還敲古寺門誰記故園茅屋下數枝桃李亦
成村

綺麗風光夢亦酣艷情豪興兩無端黛分山色
紅粧斂酒泛湖波玉盞寒檀板奏來風欲定畫
橈歸去月為殘誰知樓上清狂客一曲高歌正

倚闌

如此江山足勝遊由来狂客易生愁西湖風月

人千古南渡衣冠土一邱畫棟已飛新紫燕珠
簾不捲舊紅樓空餘幾點傷心淚付與林花即
日休

登城隍山

即吳山

城頭金碧燦晴巒石磴縈洄路屈盤地控吳山
成絕景天圍江海作竒觀煙開樹色千峯曉風
落潮聲萬井寒憑眺已忘身是客又聞歸雁叫
雲端

補瓢存稿

卷一

二

南蔭書屋

題女貞院壁

并序

歲壬辰余偕王碩人詣院因識女冠顧
晚蓀而顧碩人亦與晚蓀有舊忽忽十
年重理遊楫兩室已久歸泉下矣花間
語及感慨係之師既未忘太上之情余
豈能為莊生之達乎漫留是篇以誌今
昔時壬寅仲春晦前一日

觀裏花開幾度春風送盡看花人麻姑自為

栽桑誤枉替蓬萊數劫塵

金鼓洞

洞府高寒竹徑清人間亦自有蓬瀛石壇風冷
岩花晚丹竈煙霏澗雨晴著喜玄關常闔寂不
勞仙客費逢迎樓前即是西湖月只隔雲中雞
犬聲

春盡遲蕉亭

春去客未來戚戚良難已幽賞空見期芳物從
補瓢存稿

卷一

三

南蔭書屋

茲委林暝夕嵐生山寒暮鐘起悵望路非遙扁
舟阻煙水

題傅生馳獵圖

君不見五陵俠客氣絕倫騎馬日踏長安塵有
時一箭定區宇便令叱咤生風雲又不見杜陵
布衣守環堵飢餓不能出門戶壯心要逐李將
軍日看南山射猛虎丈夫處世貴有功焉能跼
躅隨飛蓬况君七尺甚雄偉才略定與軀榦同

狂風日日黃沙積今歲江南似江北君心已逐
塞塵飛試把丹青寫胸臆青絲絡馬弓出寨相
逐儘有吳門豪會須鷹犬一時放看彼狐兔何
能逃壯哉傅生洵奇士山林亦寓封疆志細雨
聞雞五夜愁朔風射雁三秋思可憐我志不如
君敗屋數椽眠夕曛長鏡鬪藥直鈎鈞除此鳥
獸無同羣意欲從君看馳獵踈狂又恐才力拙
題詩為報籌國人未應湖海無豪傑

補瓢存稿

卷一

五

南蔭書屋

題畫陳搏

退步英雄事業輕睡中籌畫最分明華山不與
陳橋事却為人間計太平

庚戌除夕題北山小照

與君同庚復同學三十七年同落今宵過盡
又一年布褐襤褸摠如昨君今繪此亦何謂席
帽征裘倚寥廓迎風老幹勢欲飛排雲巨石痕
帶鑿啖君年來守環堵破紙窠中覓糟粕少時

南北曾壯遊，畢竟襟期向誰託。晉間寶劍未許人，不信烏靴勝芒屨。山林景物京洛容，此意教人難捉摸。我生蹤跡甚連蹇，日共妻孥飽藜藿。簡冊真成老兔園，功名豈意圖麟閣。有時尋君到村市，有時待君入城郭。我鬚先著霜數點，君志方期震一索。

余於今歲髮忽有一二莖白者，北山尚無子，故並書之。

只

除此事兩不同，其外行藏堪約略。早歲論文久更親，肺腑中間出然諾。我今展圖識君意，妙意

補瓢存稿

卷一

三

南蔭書屋

何曾有乖錯，平生才力頗驅馳。半世英雄困巖壑，欲言不得聊舉示遊戲。丹青歸冥漠，山林京洛兩無憑。一任旁人滋駭愕，酒闌燭燼歲云徂。門巷風鬢雪復虐，對君畫像為君歌。恍似君來慰寂寞，畫裏風光我自知。歌中况味君須度，來朝春漲滿橫塘。持畫還君同一喙。

臘月廿四日夜宿香山丙舍

小橋橫艇夕陽寒，一歲無如此夜安。地僻林烏

驚剝啄跡疎村犬訝衣冠酒經再臘真堪醉梅
發先春委耐看頭白何年携婦子山窓除夕共
辛盤

牕戶雲封架掩塵偶然來此得吾真狂吟直破
鄰家夢醉卧聊遊物外神泉石故應期杖履冰
霜曾不改松筠五更榻畔茶煙起十五年來跡
未陳

憶同家知非丙舍讀書知非必於
五更自起烹茶屈指已十五年矣

為佐商姪題畫

佐商自
粵東歸

補瓢存稿

卷一

五

南蔭書屋

歸路辛勤自百蠻嶺雲稠疊水灣環青鞵布襪
垂垂老畢竟吳山勝粵山

舟過馬山橋泊費家湖

橋外湖光樹杪煙岫隨山轉一帆懸暖風欲遍
初春路細雨將收薄暮天碧漲暗添栽柳港白
雲晴護看花船籬門竹院經行處慚愧重来二

十年

晚遊玄墓聖恩寺乘微月下山宿舟中

泊舟費家湖振策玄墓寺廿載此登臨緬想夢
不置薄雲漏微陽繁香結幽思路紆名僧塔徑
折鉅公隧寺門納湖光極目隨所至香國與澤
國混茫同一視鐘魚徹層霄金碧絢空翠信步
歷危梯偶坐得淨地憶予少壯日山水有僻嗜
挈伴恣登陟十日不思寐四十力未衰不如昔
便利徐行或少息庶不言况瘁夕陰布坤軸濕
風鼓巽位寒知花氣沉暗覺雲光膩浮生束塵
補歌存稿

卷一

五

南蔭書屋

網勝遊良不易茲境復茲時欲去更徒倚朦朧
松間月錯雜林中醉譁甚巢烏驚語狂村犬忌
物豈與物忘吾自適吾意興發上方遊倦覓一
舟寄燈明識所歸黍熟欣可食尋梅樂未央且
復陶然睡

清聞閣悼御天長老

孤雲片石偈曾拈每到花時幾夕淹記得落梅
風定後一星龕火禮華嚴

予壬辰歲隨家大人
洞庭看梅回舟至閣

是夕風大閣下梅花已殘師于
琉璃燈下拜華嚴經三鼓方罷

芒屨踏破千年雪

師壯時遍禮名山嘗隻身至
峩峩五臺所謂萬古積雪千

年老冰皆所
目覩者也

白骨拋殘一塢花要識吾師真面

目辟間塵冷舊袈裟

自驚魚澗泛舟至潭西

整移孤棹別招提銅井花聯斗柄西極目煙波
青嶂小半空樓閣白雲低杖隨溪雨穿芳徑纜
繫春風滯柳隄一路寒香迷轉入不應人羨武
補瓢存稿

卷一

三

南蔭書屋

陵溪

踰珠華嶺至青芝塢信步口占得三章

晨興理遊屐又入幾重雲雨挾松風度山依澗
道分穿花隨鳥語倚石破苔紋漸覺登臨憤崎
嶇亦所欣

路從山頂下徑折樹梢微花盛雲藏屋香飄雪
點衣插天開士宅繞竹野人扉甚欲窮幽討扁
舟未合歸

赫赫潯陽墓勛名片碣無

潯陽董尚書份墓在青芝山麓規制宏敞

遊者必到而隧道獨無碑碣

生為大宗伯死傍古司徒臺榭

歌風雨雞豚走祝巫湏知廟前柏夜夜百靈扶

司徒廟不知何神廟前古柏四樹輪囷離奇相傳為晉代時物

清明日雨

寂寥亭院禁煙時去去韶光未肯遲閣外雨聲

閒可聽酒邊春色夢方知林禽尚澀初調舌瓶

萼聊添乍折枝一夜郭西新漲滿東風愁絕麗

補瓢存稿

卷一

七

南蔭書屋

人詩

賦得累石為山

興與平泉合功從艮嶽分茶聲三峽雨香篆五

峯雲豈有移山術聊師運甃勤謝公遊欲廢日

日坐苔紋

賦得分土成渠

急雨奔騰勢空庭浩渺波畫沙成浦淑縮地走

江湖竹葉盟鷗艇松根射鴨坡從教隣作壑一

勺已盈科

燕

去為秋霜逼來因社雨迎
剪風春乍暖掠水晚
初晴口帶香泥濕身兼舞絮輕
草堂多故壘亦
復費經營

忍拋華屋伴樂取舊家依
牕靜將雛語簾開作
對飛漢宮諧赤鳳南國鬪烏衣
窈冥交應久吾
廬未必非

補歌存稿

卷一

天

南蔭書屋

螢

一隙光從夜氣形可知
腐草亦通靈
墻低忽訝
天星落野曠全欺鬼燐去聲
青飛帶月華
明葉露
隋依雲母耀
窓櫺酒闌粧
閣吹燈睡
綃帳橫
陳
莫更經

長壽長老重復東菴次韻寄贈

別有安心法可依
碧山紅樹間
斜暉昔遊已類
重生悟過劫
休論往事非
朔代未妨曾割去
鄗

謹善喜復來歸須知一票三千界不出西庵舊

版扉

西庵老人
舊所居也

早起感懷

簷溜聲殘曉氣催小窓寒透夢初回半規淡月
霧中見一陣黑風天際來鐘動遠林街鼓歇雞
鳴鄰屋曙煙開故人裘馬方朝謁頭白呶唔自
不才

蕉亭又得一孫

補瓢存稿

卷一

无

南陰書屋

憶與君相識君方喜得兒兒今成阿父又發兩
孫枝湯餅留賓話公侯積善知來年頌花甲吾

亦髻添絲

蕉亭今年
五十九

謁文信國公祠

陰森松柏護靈旗點檢封疆剩此祠犴狴悲歌
留正氣檐楹爽籟接南枝匡山風浪呼天切柴
市煙塵畢命遲一樣趙家乾淨土捐軀誰道不
同時

破產勤王相業崇義師原弗計成功天心久已
傾南渡臣節終期撼朔風識之未妨炎午誚魂
歸應恤謝翱窮千秋俎豆平江路石像巍莪舊
泮宮

姑蘇竹枝詞次訥生韻

柳煙花霧晝冥冥斟酌橋邊畫舸輕挈伴講臺
聽說法顛隨頑石悟無生

紅欄橋浸碧波瓊七十煙鬟水面齊道是郎家
補歌存稿 卷一 三 南蔭書屋

住相近莫釐縹緲隔東西

百八清鐘轉法音竹兜斜渡嶺千尋今宵但宿
靈巖寺來日天平看笏林

絲竹彈經間鼓鐘化城庵與法螺同花開三月
瑜珈會十斛香塵糝梵宮

珠簾繡箔遍湖干艾席絨符髻曲盤生怕黃梅
逢競渡畫龍船在雨中看

龍頭山下路祠東千頃荷花一色紅偏愛葑溪

香十里酒船圍妓坐臨風
澗齒流酸顆顆梅山僧遙遍竹籠開郁玄墳外
千千樹明歲花時定要來
泥封落蕊繞枯枝花帽兒童逐隊馳今夜虹橋
月將滿踏歌聲遍呂仙祠

補瓢存稿

卷一

三

南蔭書屋

補瓢存稿卷一

樂圃張玉穀錄

